

**AWIG-AWIG DESA ADAT
D A U P**



**KAMEDALANG OLIH
KRAMA DESA ADAT
D A U P**



**KECAMATAN KINTAMANI
KABUPATEN DAERAH TINGKAT II BANGLI
WARSA 1994**

PIDAGING

MAKA BANTANG AWIG-AWIG DESA ADAT DAUP

MURDA CITTA	WIDANG
SARGA I ARAN LAN WEWIDANGAN DESA	1
SARGA II PETITIS LAN PAMIKUKUH	2
SARGA III SUKERTA TATA PAKRAMAN	2
Palet 1 Indik Krama	2
Palet 2 Prajuru lan Dulun Desa	5
Palet 3 Indik Kulkul	7
Palet 4 Indik Paruman.....	8
Palet 5 Indik Druwen Desa	10
Palet 6 Sukerta Pamitegep	11
Kaping 1 Karang lan Tegal	11
Kaping 2 Pepayonan	12
Kaping 3 Wewangunan	12
Kaping 4 Wewalungan	13
Kaping 5 Bhaya	13
Kaping 6 Penyanggran Banjar	14
Kaping 7 Indik Pariwertu	15
SARGA IV SUKERTA TATA AGAMA	15
Palet 1 Indik Dewa Yadnya	15
Palet 2 Indik Rsi Yadnya	19
Palet 3 Indik Pitra Yadnya	20
Palet 4 Indik Manusa Yadnya	25
Palet 5 Indik Bhuta Yadnya	26
SARGA V	

MURDHA - CITTA

Om Awignamastu nama sidham,

Putusing Paseban Krama Desa Adat Daup gumawe Awig - Awig Desa Pekraman maka sepat siku - siku pematut, wastu kasidan Prayojanan Mami kabeh preeama angidepaken muah amanggehaken kadi linging Awig - Awig iki.

Desa Adat wantah marupa pasayuban Krama Desa rauhing kula warga pawongannya, manut dresta Desa kemanggehing Bhuana Agung, pawongannya soang - soang pinaka Bhuana Alit, kalih malarapan cantu Jagathita, sinanggeh murdhaning prayojana pangriptaning Awig - Awig.

SARGA I

ARAN LAN WEWIDANGAN DESA

Pawos 1

- (1) Desa Adat puniki mewasta Desa Adat Daup.
- (2) Jebar Kakuwub wewidangannya mewates nyatur :
 - a. Sisih Wetan Banjar Kuum Desa Adat Sukawana ;
 - b. Sisih Kulon Desa Adat Selulung ;
 - c. Sisih Lor Banjar Tablun Desa Adat Sukawana ;
 - d. Sisih Kidul Banjar Sabang Desa Adat Selulung ;
- (3) Desa puniki kawangun antuk karang miwah Tegal ayahan Desa, turmaning kepah dados 4 (petang) Banjar soang - soang sinanggeh tempekan, luwire :
 1. Tempek Banjar Pucak Sari ;
 2. Tempek Banjar Umah Anyar ;
 3. Tempek Banjar Manukan ;
 4. Tempek Banjar Titi Gantung ;

SARGA II

SARGA II

PETITIS LAN PAMIKUKUH

Pawos 2

Desa Adat Daup ngemanggehang Pamikukuh minakadi :

- a. Pancasila ;
- b. Undang - Undang Dasar 1945 ;
- c. Tri Hita Karana manut sada cara Agama Hindu.

Pawos 3

Luwir patitis Desa Adat Daup :

- a. Mikukuhang miwah ngerajegang sang Hyang Agama ;
- b. Nginggilang tata prawertine meAgama ;
- c. Ngerajegang pasukertan Desa saha pawongannya sekala kelawan niskala ;
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan sang jenek mapaumahan ring Desa Adat Daup sane meAgama Hindu tur nyungkemin Kahyangan Tiga sinanggeh Warga Desa Adat Daup.
- (2) Sejaba punika sinanggeh tamiu.

Pawos 5

Pawos 5

Krama Desa wenten 4 (petang) Pawos luwire :

- a. Krama ngarep, Kulawarga sane ngamong karang utawi Tegal Ayah Desa ;
- b. Krama Tapukan Kulawarga manut aksara a, sakewanten durung antes ngayah ;
- c. Krama Bala Angkep, Kulawarga sane tanpa karang miwah tegal Ayah Desa sakewanten sampun mawiwaha ;
- d. Sekaa Teruna Kulawarga sane ngawit mayusa 13 (telulas) warsa ngantos dereng mawiwaha ;

Pawos 6

Ngawit patut dados Krama Desa :

- a. Sangkaning ngamong Karang utawi tegal Ayah Desa ;
- b. mawiwit pawiwahan ;
- c. Sangkaning nyepih (numbas, ngewaris, ngidih lan sepenunggalannya) karang utawi tegal ayah Desa ;
- d. Sangkaning pinunaa ngeraga utawi sangkaning jenek mapaumahan tampek wewidangan Desa Adat Daup saha kacumponin olih Krama miwah Prajuru kangkat ngeranjing mekrama Desa Bala Angkep.

Pawos 7

Panemayan tedun mekrama Desa nyabran Sasih Kasanga mejalaran antuk tatengeran sedereng arep ring Krama ;

Pawos 8

(1) Sehanan Krama Desa keni tetegenan (ayah - ayahan) luwire :

- a. Ayah nyumek mapiteges urunan miwah ayahan mamungkul sakeng Krama ngarep ;
- b. Ayah Bala Angkep keni Ayah miwah urunan mamungkul pateh sekadi Krama Ngarep ;
- c. Ayah tapukan keni urunan mamungkul sakewanten kaluputang sakeng ayah - ayah ;

d. Sekaa

- d. Sekaa Teruna utawi deha Teruna keni patedunan manut pinunas Krama Desa;
- e. Prade rikalaning ngayah wenten sinalih tunggil Krama matilar Sadereng puput karya, wenang Krama inucap keni pamidanda tajak laler kewastanin.

(2) Soang - soang Krama Desa sane ngerobang keluarga sejeroning mayusa 7 (pitung) warsa ngantos 12 (roras) warsa patut ngamolihang kaweruhan saha keranjingang ring Sekolah 9 (siya) warsa ngantos puput utawi ngamolihang cihna, antuk Krama sane ngerobang inucap ; prade mamurug wenang kedanda manut perarem, saha patut ngemarginin pidabdab sakeng Guru Wisesa sejeroning nincapang kaweruhan.

Pawos 9

Krama Desa kedadosang :

- a. Mapoangkid utawi tan tedun apisan, rikala meyadnya manut pangelokika, matepetin, mapewangunan (ritatkala ngeraabin utawi nasarin) miwah keluasan masengker 3 (tigang) rahina, selangkungnyane patut wenten kebebasan Prajuru, lan tios - tiosan manut perarem ;
- b. Nyada ; nyerahang ayah antuk Krama Ngarep, lan mademang ayah mawit Krama Bala Angkep kangkat mawit sampun mayusa 65 (enem dasa lima) warsa , sejawaning wenten parindik tios manut perarem ;
- c. Luput petedunan kengin sangkaning dados sadaka, pemangku Desa, pemangku Kahyangan Tiga, Dulun Desa sane cedangga banget tur tan madruwe roban sane patut nedunin, anak alit ubuh ngantos munggah deha teruna. lan sane tiosan manut perarem ;
- d. Nekel utawi ngampel ; mutug ayah antuk berana manut paetangan Desa sangkaning kajudi antuk sang mawang rat utawi jenek ring dura Desa ngerereh pekaryan.

Pawos 10

Wusan dados Krama Desa luwire :

a. Sangkaning :

1. Pinunas ngeraga sangkaning kesah kedura Desa utawi ngelangkung segara ;

2. Kenorayang

2. Kenorayang dwaning sampun tan prasida ngeesehin solah maprawerti state nguwug kecaping Awig - Awig ;

3. Seda utawi ceput.

b. Sang wusan mekrama :

1. Patut ngaturang ayahannya ke Desa ;

2. Tan polih pah - pahan sankaning padruwen Desa, sejawaning pah-pahan padruwe ring tempek manut perarem.

c. Prade sang wusan mekrama pecak, ayat mekrama malih, kangkat yening sampun kecumponin antuk Krama saha patut naur penaub mekrama manut perarem.

Palet 2

Indik Prajuru lan Dulun Desa

Pawos 11

(1) Desa Adat Daup kaenter antuk Bendesa Adat.

(2) Banjar Utawi tempekan kaenter antuk Kelian Banjar utawi tempek.

(3) Bendesa Adat patut :

a. mawiwit sakeng Krama Desa ngarep ;

b. Keadegang melarapan antuk paruman, saha Prajuru soang - soang taler keadegang nyabran 5 (limang) warsa, sejawaning wenten parindik tios kangkat kapilih malih ;

c. Patut nincapang kaweruhan ring sulur Agama lan Adat, turmaning tan ceda angga, ceda budi lan sepenunggalannya saha tan kapialang antuk Uger - Uger Panegara ;

d. Maduluran Dewa Saksi ring Pura Bale Agung.

Pawos 12

(1) Bendesa Adat kesanggra antuk :

a. Pangliman utawi petajuh pinaka wakilnya ;

b. Penyarikan pinaka juru surat ;

c. Petengen

- c. Petengen pinaka pengamong druwen Desa ;
 - d. Kesinoman pinaka juru arah.
- (2) Kesinoman akeh nia manut kawigunan saha magilir nyabran 5 (limang) warsa.
- (3) Sajeroning ngenterang niskala Bendesa Adat mingsingghang Dulun Desa lan Pemangku Kahyangan Desa.

Pawos 13

- (1) Swadharmaning Bendesa Adat Luwire :
- a. Ngenterang pengelaksanaan sedaging Awig - Awig miwah perarem Desa ;
 - b. Nuntun tur ngenterang Krama rauhing Warga Desa ngupadi anut petitis ;
 - c. Mawosin kalih niwakang pamutus arep ring wicara warga Desa ;
 - d. Maka duta matemuang bawos ring sapa sira ugi.
- (2) Prade Prajuru iwang pengelaksana keni pamidanda nikel ring kaiwangan soang - soang saha kangkat keraryanang manut perarem.

Pawos 14

- (1) Dudonan Dulun Desa ; mawasta saing 7 (pitu) luwire :
- a. Jero Kubayan Kiwa Tengen ;
 - b. Jero Bahu Kiwa Tengen ;
 - c. Jero Singgukan Kiwa Tengen ;
 - d. Jero Penyarikan.
- (2) Dulun Desa keadegang anut ulu apad utawi sane dados keadegang wantah mawit sakeng Krama ngarep sakeng teben ngamungghang.
- (3) Swadharmaning Dulun Desa Soang - soang manut dresta.
- (4) Petias utawi Olih - olihan Prajuru lan Dulun Desa Luwire :
- a. Polih tading tengah ;
 - b. Paweweh ring Dulun Desa pengangge arangsukan nyabran tigang masa apisan ;
 - c. Luput

- c. Luput rerampen ;
- d. Petias sewosan manut perarem.

Pawos 15 tengeran ni paku :

(1) Prajuru Desa kagentosin riantukan :

- a. Seda ;
- b. Tutug panemaya ;
- c. Wit sakeng pikayun rahayu utawi pinunas ngeraga ;
- d. Kanorayang dwaning iwang pemargi utawi nilar sesana.

(2) Dulun Desa kawusanang (kagentosin utawi lad) riantuk :

- a. Telas Fenuku ;
- b. Rabin nyane lina ;
- c. Prade melaksana Asta Dusta, lina, lad saha tios - tios manut perarem.

(3) Ngenorayang utawi ngentosin Prajuru utawi Dulu - Dulu patut sejeroning paruman saha kaingkupin antuk Krama Desa.

Palet 3

Indik Kulkul

Pawos 16 Dulu wenten :

(1) Kulkul ring Desa Luwire :

- a. Kulkul Desa ;
- b. Kulkul Banjar utawi Tempekan ;
- c. Kulkul sekaa - sekaa.

(2) Tabuh tatepakan Kulkul Desa :

- a. Kalih Tuludan lambat , tengeran tedun ngayah utawi parum ;
- b. Atuludan Bulus , tengeran kapanca bhaya ;
- c. Limang kelentungan lambat tenggeran petedunan wangde.

d. Atuludan

- d. Atuludan Lambat Tengeran Pawiwahan ;
- e. Tengeran Kelayu Sekaran (putus /seda)
 - 1. Telung Kelentungan lambat, Tengeran mitahuang ;
 - 2. Dwang tuludan lambat selanturnya nedunang Krama.

Pawos 17

- (1) Kukul Desa utawi Banjar tan wenang katepak yening tan sangkaning pituduh Prajuru, sejawaning tenggeran kepanca bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda manut perarem.
- (3) Suaran Kukul, tenggeran kepanca bhaya patut ketedunin antuk Krama Desa saha makta gegawan anut bhaya.
- (4) Kukul sekaa - sekaa semaliha kukul pondokan - pondokan tan kalugra nyawerin (matehin) sukat utawi tenggeran kukul Desa prade mamurug wenang kedanda manut perarem.

Palet 4

Indik Paruman

Pawos 18

- (1) Paruman/sangkepan ring Desa Adat Daup wenten :
 - a. Paruman Desa Kawentenang :
 - 1. Nyabran ngesasih tanpa arah - arah ngangken Saniscara Keliwon saha matenggeran kukul ;
 - 2. Napkala (Padgata kala) majalaran arah - arah saha matenggeran Kukul manut tetujon ;
 - b. Paruman Dulun Desa lan Prajuru , kawentenang manut tetujon ;
 - c. Paruman Sekaa - sekaa manut pabuat.
- (2) Paruman Desa madudonan sekadi ring sor :

a. Prasida

a. Prasida lumaksana risampun katedunin antuk sang patut ngamiletin saha sampun terem, keriyinin antuk tenggeran kulkul miwah mabusana nyalempot, medestar saha tan kalugra makta gegawan sakaluwire, tan maren ngarcana ring Ida Bhagawan Panyarikan, maka sarana widhiwidana cane;

b. Maka sarana janggi, pengawit kelaksanayang penyacak sep-sep saha riwusannya nyacak, dadosan gung alit manut perarem;

c. Tan kalugra ngewetuaken suara goro utawi byuta, yan hana mangkana, keni pamidanda pecamil kadi dandaning nguman - uman ring sabha;

d. Pamutus bebawos beriuk sepanggul (ingkup) punika kemanggehang, prade tan prasida suara makehan pinaka pamutus.

(3) Prade pidaging paruman tan kaingkupin mangda Prajuru Desa ngilikang bebawos, saha putueannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawos ring sang ngawe wenang.

Lembaga Perkreditan Desa Pawos P19

(1) Sajeroning paruman Desa, Bendesa Adat patut nyiarang pemargin ngenterang Desa, pamekas nganinin indik :

a. Munjuk lungsuring pekraman saha ayah - ayah sulur artha berana druwen Desa;

b. Rencana Prajuru nganinin usaha Desa kapungkur.

(2) Pamutus Paruman Desa einanggeh perarem maka pamitegep pelaksanaan Awig - Awig.

Paica saking Gura Wisasa
Pawos 20

Paica - paica utawi usaha tiosan sane patut.

(1) Sangkepan Prajuru lan Dulun Desa kawenangang wantah ngerincikang pengerencana usaha Desa kapungkur.

(2) Sangkepan Prajuru lan Dulun Desa tan kawenang ngewedalang tetegenan ring krama sadereng keingkupin antuk krama Desa.

(3) Pemutus sangkepan Prajuru lan Dulun Desa ngewetuang pasuara, maka pidaging pituduh sang ngawewenang utawi ngonekang perarem krama Desa.

(3) Nyabran sangkepan Desa, Prajuru pengawos Desa ngawentah panindik munjuk lungsuring padruwe Desa Desa.

(4) Sa Palet 5.....

Palet 5

Indik Druwen Desa

Pawos 21

Padruwen Desa Adat Daup , sekadi ring sor :

- a. Wewangunan suci mekadi parhyangan/penyiwian - penyiwian Desa Adat jangkep saha sarana upacara pebaktiannya ;
- b. Balai Pesamuan (Balai Desa Adat) ;
- c. Tanah laba Pura ;
- d. Tanah Desa (karang lan Tegal ayah Desa) ;
- e. Setra - Setra luwire : Setra Agung lan Setra Alit.
- f. Gong Barungan ;
- g. Ilen - Ilen Sekadi : Baris Teruna, Rejang Pendet ;
- h. Lembaga Perkreditan Desa (L P D) ;
- i. Tios - tiosan sane pacang manggeh druwen Desa.

Pawos 22

Olih - olihan Desa Adat Daup luwire :

- a. Olih - olihan saking pelaba Pura ;
- b. Urunan Krama Desa Adat ;
- c. Paica saking Guru Wisesa ;
- d. Paica - paica utawi usaha tiosan sane patut.

Pawos 23

- (1) Prajuru Desa wenang ngetangang pamupon laba Pura lan sepenunggalan druwe Desa.
- (2) Pikolih lan pamuponnya keanggen prabeya piodalan saha wewangunan ring pura miwah sane tiyosan.
- (3) Nyabran pesangkepan Desa, Prajuru pengamong druwe Desa ngawentenang parindik munjuk lungsuring padruwe ring Krama Desa.

(4) Sakaluwiring

- (4) Sakaluwiring drouwen Desa patut wenten ilikitannya.
- (5) Tan Kalugra ngadol, nyepih utawi ngesahang padruweyan desa yan tan kasungkemin antuk krama desa.
- (6) Fidabdab indik kawentenan Lembaga Perkreditan Desa (LPD) manut perarem.
- (1) Ngawit nandur pepayuban utawi tanaa tawuh patut adepa agung ngajeroane saking bates, prade jantos ngaliwat bates wenang kesepat gantung. Palet 6
- (2) Yening wenten stand Sukerta Pamitegep semalina mewasta marang kapisaga patut kawara antuk paiguma ping 15000 prade sang neruweng. Kaping 1 lah utawi nobel.
- (3) Prade sampun kawara Karang lan Tegal saha sang neruweng, wit sang tumada katutuh utawi kajerihan sedang mesedok ping Prajuru 1 tur. Pawos 24 antuk krama ngibalang pepayuban krama ngawit krama karama patut ngawit
- (1) Krama Desa pangemong Karang desa patut ngawatesin karang inucap antuk paggehan utawi tembok mangda pakantenannya asri.
- (2) Wates sisi kaler miwah kangin patut kekaryanin antuk sang ngamong karang ayahan inucap sane mewasta magaleng keluwan, sejawaning tanah pecatu, tegal utawi tanah Padruweyan ngeraga sane kapiara watese sisi kelod miwah kauh, reh punika mewasta magaleng keteben.
- (3) Prade kerasayang paggehan/turus inucap ngelikadin, yan pada arsa penyandinge nganggen pinget kewanten kesaksi antuk Prajuru Desa utawi pracihna pal saking sang mawang rat.
- (4) Prade wenten karang kebebeng mangda keutsahayang wenten pemarginya.

Pawos 25

- (1) Sinalih tunggil Krama Desa tan kalugra :
- a. ngalah - alah margi, tegal ayahan, karang Desa lan sepenunggalannya;
- b. ngalah - alah tanah, tegak kayangan, setra, lan sekancan tegak sinanggeh suci .
- (2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.
- c. Tan nyayubia kapisaga.

Kaping 2

Kaping 2

P e p a y o n a n

Pawos 26

- (1) Ngawit nandur pepayonan utawi tanem tuwuh patut adepa agung ngajeroang sakeng bates, prade jantos ngeliwat bates wenang kesepat gantungin.
- (2) Yening wenten tetanduran ngungkulin, semaliha mewastu mayanin kapisaga patut kewara antuk paiguman ping ajeng praside sang neruwenang wit ngerebah utawi notor.
- (3) Prade sampun kewara taler tan wenten uteaha sang neruwenang, wit sang rumasa katetehan utawi kajerihan wenang mesadok ring Prajuru, tur risampun keparitatae kalugra ngicalang pepayonan inucap sakewanten patin pepayonan patut ketawur manut panglokika sane nepasin.
- (4) Sang keni pamidanda penyanggaskara saha prabea manut perarem arep ring wewangunan sang kerubuhan, luwire :
 - a. Sang neruwenang sang sinanggeh mayanin prade pungkut ngerubuhin wewangunan krama tios ;
 - b. Sang notor munggul utawi ngebah taru tur ngerubuhin Krama tios.
- (5) Krama Desa patut ngemanggehang kawerdian tanem tuwuh sane ngawinang desane asri tur lestari, saha tan kapatutang ngebah taru sadereng polih wak-wakan Prajuru utawi pituduh Guru Wisesa.

Kaping 3

W e w a n g u n a n

Pawos 27

- (1) Nyabran ngewangun patut :
 - a. Mesadok ring Prajuru, ping ajeng prade wewangunan nganinin bates ;
 - b. Ngangge asta bhumi miwah gegulak asta kosala - kosali sanistane manut ring petitis niskala ;
 - c. Tan nyayubin kapisaga.

(2) Prade

- (2) Prade wewangunan jantos nyayubin bilih - bilih temboke ring telengin wates, risampun kewara tur kesadokang ring Prajuru, wenang kedanda manut perarem saha tembok inucap kegubar utawi sanistane mangda kekaryanang abangan.

K a p i n g 4

W e w a l u n g a n

Pawos 28

- (1) Sahanan warga desa sane mamiara wewalungan (bawi risampun mabelas utawi banteng lan sewosan punika sampun mesaluk tali) , patut sayaga nitenin negul / ngelogor mangda tan ngerusakin karang utawi paabianan krama sewos, bilih - bilih jantos ngerajing ngelstehin Kahyangan.
- (2) Prade wenten wewalungan ngelumbar utawi ngeleb ngerusakin karang utawi paabianan krama sewos, risampun kewara kengin ketaban tur kedanda, ngewaliang wit sane rusak saha naur penebas papiaraan tetabanan, manut pengelokika Prajuru Desa ;
- (3) Prade jantos ngeletehin tegak suci, minskadi pemerajan (sanggah kemulan) risampun keparitatas antuk prajuru , wenang sang nruwenang kedanda mabuhu agung tebasan - tebasan prayascita durmanggala utawi panca sata iwak bebek belang kalung prade jantos ngeletehin Kahyangan Desa utawi pura pemaksan.
- (4) Krama desa patut nyanggra wewalungan miwah sarwa prani. Tur tan kepatut morosin sane prasida ngicalang kawerdian inucap sadereng wenten wak-wakan Prajuru utawi pituduh Guru Wisesa.

K a p i n g 5

B h a y a

Pawos 29

- (1) Pari indik bhaya, luire : Jiwa bhaya, Artha Bhaya, dura cara ring Agama lan sane tiyosan .
- (2) Sang manggihin kehanan jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring desa kehanan jiwa bhaya, patut desane ngaturang bhuta Yadnya tur sang mayanin katur ring sang ngawewenang.

(4) Prade

- (4) Prade wenten jatma memisuh utawi nguman - nguman jatma tios, kekeninin pamidanda bea pecamil tebasan prayascita manut perarem.

Pawos 30

- (1) Sang manggihin kehanan artha bhaya (kemalingan), patut ngukul mapitulung manut ring pawos 16 (2) aksara b, utawi sang kemalingan atur supeksa ring Prajuru desa sane pacang nimbangin utawi nuntun anut Uger-Uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saroro prade wenten jatma manggihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengargan wit manut cacakan Desa, tur prade jantos ping tiga melaksana sapunika wenang kasukserahang ring sang ngawewenang.
- (3) Prade wenten jatma ngerereh reramon, minakadi kayu, saang, daun kelapa, ron, lan sepenunggalannya tanpa sadok ring sang nruwenang, prade kacunduk (ketara) patut kedanda kadi dandaning maling.
- (4) Yening wenten jatma ngerajing kepakubon wiadin kepekarangan jatma tiyos rikala suwung, mewastu sang madruwe karang keicalan, wenang jatma inucap ketuwekang antuk madewa saki ring Pura Bale Agung.
- (5) Mangda tan ketuwekang manut ring ajeng asing - asing ngeranjing kubon jatma tios patut :
- Matenggeran suara (mekaukan) ;
 - Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
 - Pemedal karangnya kedagingin sawen maka cihna pengarah rikala suwung.

Kaping 6

Penyanggran Banjar

Pawos 31

Krama Desa rikala ngawentenang karya suka duka, patut kesanggra antuk Banjar.

Karyanya : 1. Pura Desa/Bale Agung, Pura Puseh, Miwa Pura Dalem.

a. Prade

- a. Prade ngewangun Pitra Yadnya utawi Manusa Yadnya wenang nunas Penyanggran Banjar ;
- b. Pangerombe utawi karya Gotong royong Krama ngantos ping tiga selangkungan punika patut katuran pengingu ;
- c. Pengingu rikala Pitra Yadnya anut abot dangan Yadnya prade sakeng semeng ngantos wengi katuran pengingu ping kalih.

Kaping 7

Indik Pariwerti

Fawos 32

- (1) Sehanan warga Desa adat tan kapatutang majejemuhan , ngutang laluhu, mebacin ring Margi Agung tur ring genah sane nenten Kapatutang sane praside ngicalang pasukerten Desa Pakraman,
- (2) Krama Desa patut ngewerdiang ring sajeroning setra Adat nandur sarwa sari mangda setra inucap pekantenannyane aeri.
- (3) Telajakan karang sane majeng Margi Agung, Merajan , Karang Sikut Satak patut kapiara nyabran rahina tur katandurin sarwa sari.
- (4) Sahanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawuhing got/kekalen lan Margi Agung.
- (5) Sahanan Warga Desa Adat kepatutang madruwe genah mebacin utawi WC.
- (6) Sang sapa sira ugi sane mamurug pidabdab inucap patut keni pamidanda manut uger - uger sakeng Guru Wiseesa.

SARGA IV

SUKERTA TATA AGAMA

Palet 1

Indik Dewa Yadnya

Fawos 33

- (1) Pelinggih penyiwian sewidangan Desa Adat Daup, luwire :
 1. Kahyangan Tiga : Pura Desa/Bale Agung, Pura Puseh, miwah Pura Dalem,
 2. Pura

2. Pura Selangsang ;
 3. Pura Batan Bingin ;
 4. Pura Bukit ;
 5. Pura Kejagan ;
- (2) Rahina piodalan soang - soang Kahyangan kadi ring sor :
1. Pura Desa /Bale Agung nyabran Pangelong Apisan Sasih Kedasa, Tilem Sasih Kasa, lan Purnamaning Kapat ;
 2. Pura Puseh rikala Purnamaning Kedasa lan Desta ;
 3. Pura Dalem nyabran Anggara Kasih Medangsia lan Pangelong Ping enem sasih kedasa ;
 4. Pura Selangsang rikala Pangelong Ping Kalih Sasi Kedasa ;
 5. Pura Batan Bingin rikala Anggara Kasih Julungwangi lan Pangelong ping tiga Sasih kedasa ;
 6. Pura Bukit rikala Pangelong ping 4 (pat) sasing kedasa ;
 7. Pura Kecagan rikala pangelong ping 4 (pat) Sasih Kedasa.
- (3) Pengaci ring pura - pura inucap manut kecap Sastra Agama saha kangkat kelaksanayang, nista, madya, utama.
- (4) Rikala ngelaksanayang piodalan utawi karya sadereng ngemargiang pamuspaan patut kariyinin antuk Tri Sandya ;
- (5) Soang - soang Pura inucap ring ajeng kaempon antuk Krama Desa Adat Daup.

Pawce 34

- (1) Ring Parhyangan Desa Adat Daup kangkat ngadegang Pemangku Kahyangan Desa, lan Pemangku Prajapati.
- (2) Ngadegang Pemangku inucap angka (1) manut dudonan :
 - a. Nyanjan utawi masemurang, soang - soang mapiteges mapinunas ring ajeng Penataran wiadin ke Pura Desa menawi ring balian sonteng, lan sepenunggilannya ;
 - b. Turunan utawi ngewaris ;
 - c. Kecatri (pilihan Krama Desa) ;
 - d. Mawiwit

d. Mawiwit sakeng Krama Desa Adat Daup .

(3) Tan kawenang keadegang dados pemangku , luwire :

- a. Cedangga, luire : peceng , perot, cungh lan sepenunggilannya ;
- b. Sang sapa sira ugi sane tan kepatutang anut perarem ;
- c. Sakit ila, ayan, buduh wiadin edan ;
- d. Sane mederbe kesucian urip tan becik.

(4) Prabya kepemangkuan :

- a. Adiksa Widhi (ngawintenin) kemenggala saha kelaksanayang antuk sang ngadegang, mekadi Krama Desa ;
- b. Mapitra Yadnya riwekas, patut kelaksanayang antuk Krama Desa, utawi prade kelaksanayang antuk kulawarga pemangku, sanistane saking Krama Desa mapaike beras, bawi lan ayahn manut panglokika.

(5) Pemangku patut ngemanggehang sesananing pemangku, luwire tan wenang ajejuden miwah sane tiosan.

Pawos 35

Swadharman Pemangku luwire :

- a. Ngabih Dulun Desa rikala ngenterang upakara utawi Yadnya ring Parhyangan Desa Adat, saha kangkat ngenterang Upakara ring sajeroning soang - soang Pakubon Krama ;
- b. Tan Wenang salab sulub yan mamurung wenang mangku inucap nyepuhin raga ;
- c. Prade sinalih tunggil pemangku Kahyangan tiga kapiambeng kengin nyelang Pemangku Kahyang Tiga ring Desa utawi nuur sang Sulingggih ;
- d. Semaliha yen sampun pemangku ngayah tigang rahina ring pura kancit wenten kulawargania padem, mangku inucap tan keneng cuntaka, sakewanten mangku tan budal selami piodalan.

Pawos 36

Petias utawi olih - olihan pemangku, luire :

a. Peras Santun miwah sarin Canang mawiwit sakeng aturan upacara;

b. Luput

- b. Luput Ayah ;
- c. Luput Rerampen ;
- d. Busana arangsukan nyabran ngemasa ; 3 mala'
- e. Tios - tiosan manut perarem.

Pawos 37

(1) Pemangku kegentosin riantukan :

- a. Seda ;
- b. Pinunas ngeraga, menawi kageringan lan sepenunggalnya ;
- c. Kawusanang antuk krama sangkaning melaksana sane tan patut (Asta Dusta).

(2) Prade pemangku kawusang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Pawos 38

Kasukertan Kahyangan kadi ring sor :

- a. Tan Kalugra ngeranjing ke Pura luire :
 - 1. Sang katiben cuntaka, mekadi sebel sakeng ngeraga :
 - a. Sebel kandel ngerajasuwala, selami dereng mebersih ;
 - b. Sebel madruwe putra, selami dereng kepus odel sane lanang, saha sane istri ngantos 42 rahina utawi akambuhan ;
 - c. Sebel pengantenan, selami dereng mabiyakala, miwah cuntaka sangkaning kepademan manut senger ;
 - d. Sebel riantukan madruwe keluarga kepademan/kelayusekaran selami dereng ngelaksanayang Upakara Mesapuh utawi Nyeeb Brahma.
 - 2. Makta eehanan barang einanggeh ngeletehin ;
 - 3. Sato Agung sejawaning rikala mapepada ;

4. Mabusana

4. Mabusana tan manut kadi tata caraning ngeranjing ke Pura ;
 5. Sedereng polih wak - wakan (pituduh) Prajuru utawi Dulun Desa.
- b. Pratingkahe tan wenang ring Pura :
1. Masumpah (cor), sejawaning pituduh Prajuru lan Dulun Desa;
 2. Makobetan, masesenengan, makolem dados asiki lanang wadon, mebacin, mewarih, nyangsang busana, mececepin anak alit, menahin pusungan (santukan punika sekadi rikala mejejahitan patut ngelung busung mecingor lidinya) ;
 3. Mungguh tedun palinggih sejawaning pituduh Prajuru/Dulun;
- c. Sang mamurug kecaping ajeng, keni pamidanda pemerayascita sepatutnya.

Pawos 39

- (1) Yen wenten jatma kerawuhan ring Pura, kengin kapintonin prade rumasa kesumbangsayan, yan tan wiakti, jatma inucap kesisipang kedanda prayascita.
- (2) Prade ring Kahyangan kehanan durmanggala, minakadi kepanca bhaya, pemangku Kahyangan utawi Dulun Desa patut digelis nyadokang ring prajuru mangda marumang krama desa tur ngawentenang pemerayascita sepatutnya.

Palet 2

Indik Resi Yadnya

Pawos 40

- (1) Sang pacang madeg Pandita utawi Pinandita minakadi dalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangin prade wenten kacihnian sasar kekecap miwah drestane, tur sareng nyaksinin upakara saha nyiarang ring paruman desa tegep rawuhing wates kawenangan ngenterang yadnya.
- (3) Krama desa patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

Pawos 41

Pawos 41

- (1) Sang sulinggih patut ngeriyinang ngayunin ring wawidangan jagat Desa Adat Daup sesampune puput wawu kangkat muputang Yadnya kejebar tios jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kaicen pemuput olih Pedanda utawi Pinandita manut kewenanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut sekadi ring sor :

- a. Pengupakaran sang kelayu sekar :
 1. Antuk mendem maka cihna pakingsan ring Ibu Perti i selami nuptupang prabeaya ;
 2. Atiwa - tiwa (upakara pengabenan/pelebon).
- b. Upakara upacara Pitra Yadnya riwusan keabenang mewastu munggah daun bingin (ngeroras) wawu kekaryanang palinggih Dewa Hyang Bhatari.

Pawos 43

Swadharmaning lan tetegenan prade wenten sinalih tunggil Krama Kelayu sekaran :

- (1) Sang kaduhkitan patut :
 1. Nyadokang ring Kelihan Banjar utawi Bendesa Adat tur nunas tetimbangan ring kawentenannya ;
 2. Ngaturin Banjar ngerombo mekarya eteh - eteh sawa kedulurin panyembrahma canang seida antuk ring pengerombo nganter ke setra ;
 3. Prajuru Adat maritatas pemargin sang kaduhkitan, napike pacang kependem, makingsan riyin utawi lantur keabenang ;

4.a. Indik

4. a. Indik salah Pati lan Ngulah Pati manut putusan pesamuan Agung Para Sulinggih lan Walaka ring Campuan Ubud, 21 Oktober 1961 sane Kelayu sekaran kadi salah Pati lan Ngulah Pati patut kebawos mati bener (seda biasa) saha kangkat kaupakara kadi ngupakara sawa seda biasa sane sampun ketah memargi, saha kadulurin antuk Upakara penebusan lan pangulapan manut Sastra Agama Hindu ;

b. Sang sane seda utawi putus inucap aksara a, utawi seda ring Dura Desa, Rumah Sakit lan genah - genah sane eicosan, sedereng kaupakara, kangkat keajak budal kepakubonnya, saha selanturnyanne patut kaupakara manut Sastra Agama.

5. Penyanggras Banjar selanturnya :

a. Soang - soang Krama (Pengarep lan Bala Angkep) patut nedunin patus beras 1 Kg. kelapa sawungkul maweweh jinah manut perarem ;

b. Ngerombo ngaryanin eteh - eteh sawa, saha kesarengin antuk Krama sane rawuh, maaksian ;

c. Sami Krama Banjar nganter kesetra jantos pemendeman puput.

(2) Tan kengin ngelelet sawa langkung ring 7 (pitung) rahina, tur patut polih pagebagan yening sampun mesiram anut paetangan Prajuru Adat ;

(3) Tan kalugra mendem sawa rikala :

1. Wuku was penganten ;

2. Semut sedulur ;

3. Kala gotongan ;

4. Larung pegelangan : Wraspati penanggal/pangelong ping 6 (enem) ;

5. Gagak antungsung pati, penanggal ping 9 (siya) ;

6. Ingkel wong ;

7. Rerahinan jagat :

a. Furnama ;

b. Tilem ;

c. Purwani

- c. Purwani ;
 - d. Kajeng Kliwon ;
 - e. Pasah ;
 - f. Buda Kliwon ;
 - g. Tumpek ;
 - h. Buda Wage (buda Cemeng) ;
 - i. Anggar Kasih (Anggara Kliwon) ;
 - j. Saniscara Umanis Watugunung ;
 - k. Redite Umanis Ukir (Odalan Bhatara Guru) ;
 - l. Wuku Walanggati, penanggal ping 11 (solas) ;
8. Wuku langkir ngantos Budha Kliwon Paang, (buncal balung);
9. Sasih ke 10 (dasa) tanggal ping 13 (telulas) ;
10. Dewasa kekeran manut desa adat.
- (4) Prade wenten kalayu sekar, rikala piodalan, kengin kasurupang tan maupakara tanpa sadok tur memargi wengi ;
- (5) Tan kalugra nginepang bangbang ;
- (6) Prade sane kelayu sekaran ngadut manik, patut manik inucap kawijilang riyin wawu kaupakara ;
- (7) Tata cara ngange setra manut paetangan prajuru miwah dresta.
- (8) Prade pacang mendem sawa ring Setra Desa Adat sane saderengnyane, tan ngeranjing dados Warga Desa Adat (kerob) utawi mawit sakeng Desa Adat tiyos, patut nawur penanjung Batu kewastanin, akehnyane manut perarem.

Pawos 44

- (1) Sane kasinanggeh kacuntaka sekadi ring sor :
- a. Cuntaka antuk kelayu sekar ;
 - b. Cuntaka antuk ngeraja swala ;
 - c. Cuntaka

- c. Cuntaka antuk ngembasang putra ;
- d. Cuntaka antuk keruron ;
- e. Cuntaka antuk sakit ila/ buduh ;
- f. Cuntaka antuk pawiwahan ;
- g. Cuntaka antuk gamia gamana ;
- h. Cuntaka antuk salah timpal ;
- i. Cuntaka yening wenten anak istri mobot nenten keupakara pabiakawonan tur pawidiwidana ;
- j. Cuntaka antuk memitra ngalang ;
- k. Cuntaka antuk yening wenten anak istri ngembasang putra sadurung maupakara pabiukawonan tur pawidiwidana.

(2) Sengker Cuntaka manut kawentenannya :

- a. Cuntaka kelayu sekar, cuntakannia 12 (roras) rahina manut sekadi loka dresta miwah sastra dresta Desa Adat Daup utawi nyantos Nyeeb Brahma ;
- b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala ;
- c. Cuntaka ngembasang putra, kepus Odel sane lanang ngawit saking putrane embas, utawi ngantos sampun kaupakarayang mekekambuhan tur meperascita manut sekadi agama, sane istri ;
- d. Cuntaka keruron, cuntaka nia abulan pitung rahina (42 Rahina) tur sampun matirta pemerayascita, lanang 3 (tigang) rahina ;
- e. Cuntaka pawiwahan, cuntakania ngantos sesampune matirta pabiakawonan ;
- f. Cuntaka gamia gamana, cuntakania ngantos sesampune kepalaseng utawi mesapihan tur sampun kawentenang pemerascita raga tur kawentenang pemerayascita desa adat/Kahyangan ;
- g. Cuntaka salah timpal, kapuputang sekadi manut ring Agama Hindu antuk Krama Desa Adat Daup ;
- h. Cuntaka anak istri mobot nenten kewentenang upakara pabiakawonan, cuntakania ngantos kawentenang upakara pabiakawonan ;

i. Cuntaka

- i. Cuntaka mamitra ngalang, cuntakania ngantos kawentenang upakara pabiakawonan ;
- j. Ngembas putra nenten kawentenang upakara pabiakawonan miwah upakara pawidiwidana, cuntakania ngantos wenten sane memeras sang putra, tur sampun kewentenang upakara sekadi manut ring ajaran Agama Hindu ;
- k. Prade sinalih tunggil warga Desa wenten ngembasang Putra kembar utawi buncing tan patut kebawos ngeletehin Desa dwaning sapunika cuntakania pateh sekadi ngembasang putra biasa.

(3) Cuntaka Kelayu sekar/kepadaman :

a. Kependem cuntakania :

- 1. Pengapit, pemapas/penumbak pekarangan lan Banjar ngantos 3 (tigang) rahina saha sampun mesapuh ;
- 2. Kulawarga ngarep 12 (roras) rahina saha sampun mesapuh.

b. Keaben cuntakania :

Sang nyambut karya Pitra yadnya cuntakania ngawit sakeng nundunin utawi ngulapin rauh riwus yadnyannia (mepegat) saha sampun mesapuh.

(4) Sane ketiben cuntaka luire :

a. Kelayu sekaran sane kacuntaka :

- 1. Sang sane kelayu sekaran ;
- 2. Kulawargannia;
- 3. Banjar.

b. Ngeraja swala sane kacuntaka sang sane ngeraja swala ;

c. Ngembas putra, sane kacuntaka kulawargannia sane ngembasang putra lanang wiadin istri ;

d. Pawiwahan, sane kacuntaka sang sane kaupakara pawiwahan lanang wiadin istri ;

e. Keruron, sane kacuntaka kulawargannia lanang wiadin istri ;

f. Gamia gamana, sane kacuntaka sang sane ngelaksanayang gamia gamana lan desa adat nyane ;

g. Anak

- g. Anak istri mobot sane tan kewentenang upakara pabiakaonan, sane kacuntaka sane meraga istri (sane mobot) ;
- h. Memitra ngalang, kacuntaka sane ngelaksanayang memitra ngalang ;
- i. Ngembas putra tan kawentenang upakara pabiakaonan miwah upakara pawidhiwidana sane kacuntaka :
 - 1. Sang sane ngembas putra ;
 - 2. Putra sane embas ;

Pawos 45 ngembakin utawi ngerag
 (1) Atiwa - tiwa (pengabenan) kelaksanayang manut dresta.

(2) Panemayan Pengabenan wenten kalih Pawos :

a. Ngaben Dadakan/bahbangun, kedadosang sejeroning mesengker awuku utawi 7 (pitung) rahina ;

b. Ngaben ngemasa utawi nuasa
 dresta maha buata dresta ngawinang

Pawos 46

(1) Peputusan pengabenan sakeng Krama luwire 2 Kg. beras, kelapa kalih bungkul jinah manut perarem.

(2) Sang madruwe Kelayu sekaran polih pangerombe sakeng Krama ngawit tigang rahina sadereng karya, saha indik patedunan krama lanang wiadin istri manut kawentenang karya tur manut sekadi pinunas sang meyadnya.

Pawos 47

Tioe - tiosan pemargin Atiwa - atiwa kadi inucaping ajeng indik pemargi - pemargi anut pidabdab perarem.

Palet 4

Indik Manusa Yadnya

Pawos 48

(1) Manusa Yadnya inggih punika upacara - upacara dharmaning manusa, ngawit sakeng patemoning kama bang sajeroning garba, ngantos kelayu sekar riwekas.

(2) Upacara

- (2) Upacara kadi ring ajeng madudonan kadi ring sor :
- a. Magedong - gedongan duk pengerampinian ibiang ;
 - b. Duk sang kama reka medal ;
 - c. Kepus odel lan roras rahina ;
 - d. Tutug kambuhan 42 (petang dasa kalih) rahina ;
 - e. Nigang sasihin ;
 - f. Pawetuan /oton/odalan (enem sasih) ;
 - g. Tutug Kelih (ngeraja wedana, ngembakin utawi ngeraja singa lanange) ;
 - h. Metatah (mepandes) ;
 - i. Mawiwaha ;
 - j. Mewinten.
- (3) Upacara - upacara inucap nista, madya , utama manut sastra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 49

- (1) Butha Yadnya inggih punika upacara biakala ring pertiwi lan kayangan , sarwa perani saha upacara - upacara ring bebutan.
- (2) Upacara biakala ring sarwa perani, luire :
- a. Ring sarwa tumuwuh ritatkala tumpek Pengarah (Saniscara Keliwon Wariga) ;
 - b. Ring sarwa ingon - ingon rikala Tumpek Uye (Saniscara Kliwon Uye) ;
 - c. Upacara pakala - kala manusa anut wiguna , kebawos pabyakala.
- (3) Upacara pabyakala ring pertiwi, kahyangan lan bebhutan kewastanin mecaru.
- (4) Upacara inucap ring ajeng, nista, madya, utama, manut wiguna kadi ring sor :

a. Eka

a. Eka Sata ;

b. Panca Sata ;

c. Panca Sanak ;

d. Resi Gana ;

e. Taur Agung ;

f. Panca Kelud.

(5) Sejawaning kadi ring ajeng kawentenang upakara :

a. Majot - jotan utawi Yadnya Sesa nyabran wusan ngerateng ;

b. Mesapuh - sapuh rikala pacang wali ring Pura ;

Pawos 50

(1) Ngangken ngewarsa rikalaning Tilem Kesanga kawentenang tawur kesanga , ketah kebawos ngerupuk maka cihna pacang mapag rainan penyepian benjangne.

(2) Upacara Penyepian sane pacang kemargiang antuk krama desa :

a. Amati geni , tan kengin maapi - api ;

b. Amati karya tan kengin nyambut karya ;

c. Amati lelanguan , tan kengin maoneng - onengan, masuara goro lan sepenunggalannya ;

d. Amati lelungan , tan kengin malunga - lungsan .

(3) Paberatan inucap kamargiang sakeng semeng ngantos benjangne semeng raris kasuarayang kulkul pinaka cihna pengembak .

(4) Sang mamurug kecaping ajeng keni pamidanda manut perarem desa adat kemargiang antuk petelik (pecalang desa).

(5) Riwus rahina Nyepi benjangne maka cihna pengawit Iqaka Warsa patut soang - soang warga Desa sami ngaksama.

Pawos 51

(1) Sedereng ngemargiang Upakara tawur kesanga, patut kemargiang Upacara Melasti manut kawentenang ke Beji miwah ke Segara ngiring Ida Bhatara Turun kabeh, saha sepengrawuh melasti nyejer ring Pura Bale Agung a wengi saha patut katuran pengaci upakara manut dresta.

(2) Sejawaning

- (2) Sejawaning pemargi penyepian sejeroning nyanggra pengawit Içaka Warsa, taler kemargiang penyepian Desa sane kelaksanayang manut kawentenan.
- (3) Indik pemargin pebratan pateh sekadi pemargi pebratan sane sampun ketah memargi anut pawos 50 angka (2), selami tigang rahina saha soang-soang angkul - angkul utawi pemedal Krama Desa patut kedagingin sawen cihna penyepian Desa, saha tan kangkat nerima tamu sejeroning penyepian inucap angka (1), prade mamurug wenang kedanda manut perarem sane kemargiang antuk patelik Desa.
- (4) Riwus rahina penyepian Desa, kesuarayang kulkul maka cihna pengembak penyepian.

SARGA V

SUKERTA TATA PAWONGAN

Palet 1

Indik Pawiwahan

Pawos 52

- (1) Pawiwahan inggih punika petemoning purusa predana melarapan penunggalan kayun suka cita maduluran upasaksi sekala niskala.
- (2) Penglaksanaan pawiwahan luire :
 - a. Pepedikan kemanggala antuk pakrunan ;
 - b. Ngerorod , merangkat riyin wawu kakrunayang ;
 - c. Nyeburin utawi sentana nyeburin risampun nganutin upakara pameraan.
- (3) Pidabdab sang pacang mawiwaha patut :
 - a. Sampun manggeh deha teruna (prasida nganutin Undang - Undang Perkawinan ;
 - b. Sangkaning pada rena (tan kepaksa) ;
 - c. Manut kecaping Agama (tan Gamia gamana) ;
 - d. Kawisudayang (Sudi Wadani) prade pengambile tios Agama miwah kepati wangi.

(4) Pemargin

(4) Pemargin Pawiwahan mangda taler nganutin Undang - Undang Perkawinan saking sang ngawewenang.

Pawos 53

(1) Pawiwahan sane kepatutang ring desa sekadi ring sor :

- a. Sampun kemargiang pabyakala utawi pesekapan, kesaksiang sekala niskala antuk Prajuru lan Dulun Desa ;
- b. Wenten pesaksi Prajuru sane mapekelingang utawi ngilikitayang pawiwahan ;
- c. Pinaka pitegep upakara ring Desa Adat, Soang - soang Warga Desa sane mawiwaha patut ngaturang tumbakan pinaka pengelad cuntaka ring Natar Pura Bale Agung maserana peras penyenang, pejati jangkep sesari sewentena antuk sang mawiwaha mawit kuwuban Krama Bala Angkep sane purusa, prade sang mawiwaha sane purusa kakuwuban Krama pengarep sarana tumbakan maweweh bawi maageng telung lengkat ;
- d. Patut ngaturang klaci ring Natar Pura Bale Agung, lan indik sarana klaci manut pidabdab perarem, semaliha patut kemargiang paling telat 3 (tigang) sasih ngawit pawiwahan sejabaning wenten parindik tiyos manut pituduh Dulun Desa ;
- e. Prade sang mawiwaha ketiyos Desa sang ngambil patut nawur prabeya pangelus kerob manut perarem, saha dudonan upakara inucap aksara c lan d ring ajeng patut kelaksanayang antuk Krama sane ngerobang sang mawiwaha ;
- f. Prade sang mawiwaha tan nganutin pidabdab aksara c, d lan e tan kedadosang ngeranjing ke Parhyangan Desa Adat ;
- g. Sampun matengeran suaran kulkul maka cihna sampun sah meperabian ;
- h. Pawiwahan inucap ring ajeng sampun kecatatang ring Kantor Camat utawi Kantor Catatan Sipil Kabupaten Daerah Tingkat II Bangli.

(2) Perabian sane tan manut kadi ring ajeng sinanggeh tan patut

Pawos 54

Tata caraning perabian patut sekadi ring sor :

a. Sapa

- a. Sapa eira ugi pacang ngewararang pakuluwarga patut mesadok ring Prajuru, selanturnya prajuru maritata anut tan manut kekecap perabiane;
- b. Pemargin pepadikan anut dudonan :
 1. Pakrunan jantos ping tiga, saha soang-soang melarapan antuk :
 - a. Antuk canang Takeu ;
 - b. Kaping kalih antuk canang lan sajeng ;
 - c. Kaping tiga antuk tipat Bantal, kebawos pemuput pepadikan.
 2. Risampun pragat raris sang istri keajak budal ring pakubon sang lanang, saha kalanturang antuk pabyakala.
 3. Mangda pragat tumus sekala niskala, raris kuluwarga purusa makta pejati matipat bantal ring merajan wadone.
- c. Prade ngerorod/merangkat patut :
 1. Reraman lanange ngewentenang pamilaku antuk duta sekirangnya 2 (kalih) diri;
 2. Pagenahan antene tan kengin ring pakubon sang lanang sadereng mabyakala.
- d. Sajeroning pakrunan /pengelakuan patut :
 1. Kamenggala antuk geng pengampura arep ring reraman wadone ;
 2. Kaigumang bawos idih pakidih utawi pelegayan arep ring pasuwakan sang ngidih saha dewasa pakrab kambean riwekas;
 3. Kecihnayang indik kapurusa utawi prade sentana rajeg kajejerang kepatut ngidih anak lanang sane kebawos pawiwahan nyeburin, tur risampun sulur pamerasan kategepin kamanggehang sentana nyeburin;
 4. Prade tan terima pelakuan pejati pakrunan kemargiang jantos ping tiga, yening antene sampun nganutin pidabdab sang pacang mawiwaha, upakara patut kelaksanayang saha kamenggala antuk Prajuru Adat.
- e. Pekrabkambean mapiteges upacara tindas apadang (puput) mapikuren, dwaning manut sekadi ring sor :
 1. Sajeroning kabawos ambe, kelaksanayang ring sekala niskala antuk sarana jejauman miwah pawidhiwidana :
 - a. Jejauman

- a. Jejauman pinaka ngambe/ngadungan kayun soang-soang pakulawarga wadone;
- b. Widhiwidana pinaka pejati niskala munas wadone ring pemerajan kemulannya .

2. Sajeroning bawos kerab pelaksana ring sekala :

- a. Antuk pesaksi Krama Desa dwaning kekerabang antuk tenggeran kulkul;
- b. Pamekas penyaksi Prajuru lan Dulu-dulu saha ngilikitayang.

Palet 2

Indik Nyapian

Pawos 55

- (1) Pawiwahan praside kawusang melarapan antuk palas perabian utawi kepademan.
- (2) Wusan mapikuren riantukan sinalih tunggil seda mapiteges balu, mekadi balu lanang / istri.
- (3) Palas perabian wenten kalih pawos , inggih punika sangkaning pada lila miwah mawiwit wicara .
- (4) Sang ayat palas merabian patut atur supeksa pailikitan riyin ring sang rumawos (Pengadilan Negeri) wastu tinas apadang pmutuse kabawos nyapian wawu Prajuru nyiarang kawentenannya ring Desa saha keni pamidanda manut perarem.

Pawos 56

Tata cara palas perabian sangkaning pada arsa/lila sekadi ring sor :

- a. Nawur prabeaya pesaksi sinalih tunggil sami matenga ;
- b. Pagunakaya polih pahan pada ;
- c. Pabekel, tatadan soang-soang kekuasa niri-niri miwah warisan kekuasa antuk purusa ;
- d. Ngeweruhin miwah ngupajiwa pratisentana manut swadarmaning guru rupaka ;

Pawos 57

- Prade riwekas sang palas kecihnan adung malih, patut :
- a. Ngelaksanayang pawiwahan malih ;
 - b. Kedanda manut perarem saking palase, yadiaestun wit palase pecak sangkaning pada lila (arsa).

- (1) Sang balu kebinayang dados :
- a. Balu luh wit sentana (sentana rajeg) miwah balu luh boya sentana ;
 - b. Balu muani kepurusa (wit sentana) miwah balu muani nyeburin (boya sentana).
- (2) Swedharmaning balu inucap patut :
- a. Ngemanggehang patibrata tan kengin ngemargiang paradara/dratikrama ;
 - b. Nguasayang waris pagunakayan, tan dados ngadol, ngadeang, makidihang lan siosan punika, sejawaning kebebasan saking pianak utawi kulawarga pinih tampek saking kurenannya prade pianak kantung alit - alit ;
 - c. Kengin ngidih sentana prade wenten pidabdab sedurung einalih tunggil padem, saha keutsahayang kabebasan antuk kulawarga singgih kapurusa ;
 - d. Kawenangang mawiwaha malih, yening sampun mawaneng tigang esah, prade kantung mobot nyantos putrane embas.

- Balu kaucap tan pageh eekadi ring sor :
- a. Dratikrama utawi paradara ;
 - b. Matilar saking pakubon tan pesadok jantos 6 (enem) esah ;
 - c. Lempas ring swadharma sewos - sewos , tan prasida ngesehin solah maprawerti arep ring pituduh kulawarga purusa.

Sapa sira Ugi Warga Desa Adat Daup tan kapatutang ngerabi wong arabi, prade mamurug kedanda manut perarem saha prade wicaraan tan prasida kebawosin ring pekraman patut kasukseerah ring sang ngawiwenang.

Palet 3

Indik Sentana

Pawos 61

- (1) Sentana wenten kalih pawos, sane kaucap pratisentana miwah sentana paperaan.
- (2) Pratisentana inggih punika sentana sane metu saking pawiwahane kepatut.
- (3) Prade pawiwahane tan kepatut ngewetuang sentana, mangda tan kantung kewastanin bebinjat utawi astra yogia kemanggala antuk penyanggaskara utawi sesipatan.
- (4) Prade pawiwahane tan ngewetuang sentana kengin, ngidih sentana upasaksi antuk sekala niskala sane kawastanin setana paperaan.
- (5) Sentana rajeg inggih punika, pratisentana wadon (predana) sane kemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inucap wiwit (5) , inggih punika :
 - a. Pratisentana wadon tunggal ;
 - b. Sampun kemanggehang dados pratisentana lanang (purusa) ;
 - c. Kapawiwahan keceburin , kautamayang antuk jatma sane maagama Hindu utawi jatma sane meagama tiyosan sane sampun ngelaksanayang pamarisuda raga ;
 - d. Sane ngemanggehang sentana rajeg patut mapasadok ring prajuru Desa, saha prajuru Desa patut nyiarang ring Desa Adat .

- (1) Ngangkat sentana manut dudonan patut makacihna artha berana pemerasan sane kesinaksiang sekala - niskala.
- (2) Sapa sira ugi krama pacang ngidih sentana patut mesadok ring Prajuru Adat sanistane asasih sedereng pemerasan.
- (3) Bendesa Adat kangkat kawakilin antuk Prajuru Adat tiosan nyiarang ring sewidangan desa, sang sapa sira ugi rumasa tan lila mangda nyadokang masengker kalih wuku sabanen pemerasan ring Bendesa Adat.
- (4) Prajuru Desa digelis mawosin saha ngicenin pemutus nepek ring catur dresta miwah perarem.
- (5) Prade sulur peperasan tan manut ring kecaping ajeng, Prajuru Desa wenang ngandeg sang pacang mekarya, saha ngicenin penuntun, mangda kepuputang riyin bebawos / sulur utawi wicaranya.

- (1) Peperasan sane ring desa risampun maka cihna :
 - a. Widhiwidana pemerasan ;
 - b. Kesaksinin antuk Prajuru lan Dulun Desa , sane makelingang utawi ngilikitayang, tur ;
 - c. Kesiarang ring wewidangan desane.
- (2) Sane kepatut peras angge sentana kadi ring sor :
 - a. Jatma meAgama Hindu ;
 - b. Pepernahan nedunang saking sang meras ;
 - c. Kulawarga saking purusa, prade ten wenten kengin saking wadon yening taler tan wenten wawu kengin sekama - kama (saking kayun) ;
 - d. Kautamayang saking waris pancer kapurusa ;
 - e. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang meAgama Hindu.

(3) Kengin

- (3) Kengin ngangkat sentana lintang ring adiri, lanang wiadin wadon.

Palet 4

Indik Warisan

Pawos 64

- (1) Warisan inggih punika tetamian artha berana saha ayah - ayah ngupadi sukertan sekala niskala saking keluhurannia arep ring turunannya.

- (2) Sane sinanggeh warisan luire :

a. Duwe tengah, mekadi tegal ayahan deesa, kahyangan, pusaka, lan sepenunggalannya ;

b. Pemerajan utawi sanggah ;

c. Pegunakaya, tatadan, jiwa dana, hutang piutang.

- (3) Wawu kengin kebawos warisan prade wenten :

a. Sang mapiturun (pewaris) ;

b. Keturunan (ahli waris) ;

c. Artha berana miwah tetegenan (ayah - ayah) makacihna warisan.

Pawos 65

- (1) Ahli waris, luire :

a. Pretisentana purusa ;

b. Pretisentana predana (sentana rajeg) ;

c. Sentana peperasan lanang / wadon ;

- (2) Prade tan wenten sekadi ring ajeng, kang sinanggeh ahli waris:

a. Turunan purusa pernah ngunggahang, rerama lanang pekak selantur ipun rerama misan mindon ;

b. Turunan purusa pernah kesamping mekadi keponakan miwah mindon.

Pawos 66

Swadarmaning ahli waris patut :

- a. Nerima saha nguasayang tetamian pahan saking keluhurannia, mekadi ngerempon sanggah, pura saha pengupakarannia miwah nyeledihin ayah - ayahan pewaris ;
- b. Ngabenang pewaris saha ngelenturang upacara - upacara pitra ;
- c. Nawurin hutang - hutang pewaris sane manut penglokika.

Pengepahan warisan nganutin sekadi ring sor :

- a. Risampun kelaksanayang pitra yadnya lan hutang - hutang pewaris buntas ketawur ;
- b. Para ahli waris polih pahan pada sangkaning pegunakaya, sejabaning kerang, tegal, ayahan desa keamong antuk ahli waris kang sinanggeh krama ngarep.
- c. Sinalih tunggil ahli waris kengin tan polih pahan prade :
 1. Nilar kawitan lan sesananing Agama ;
 2. Alpaka Guru Rupaka ;
 3. Sentana rajeg kesah mawiwaha utawi pratisentana nyeburin, soang - soang kebawos ninggal kedaton.
- d. Boya ahli waris kengin muponin hasil anut dudonan, luire :
 1. Sentana luh, selami dereng kesah mawiwaha utawi alpaka guru miwah prade pianak tan keangkenin antuk wong tua rare inucap, kengin ngewaris wantah pikolih (paguna kaya) sentana luh inucap kemawon ;
 2. Balu luh wiadin muani nyeburin (soang - soang boya sentana) ;
 3. Mulih deha utawi teruna, riantukan ring pawiwahane, tatadan / bekel, maka cihna paweweh tetep ring pianak sane kesah mawiwaha.

(1) Prade sejeroning pakulawarga wenten ahli waris langkungan ring adiri patut :

- a. Kawentenang

- a. Kawentenang paiguman indik pedum waris inucap :
 - b. Yen tan prasida katunasang tetimbangan ring Prajuru (kerta desa) :
 - c. Prade taler tan wenten cumpu ring penepas kerta desa kengin ketunasang ring sang rumawos (Pengadilan).
- (2) Prade karang inucap keputungan, patut prajuru Desa nibakang ring :
- a. Sang sinanggeh ahli waris manut pawos 65 ;
 - b. Sang kengin enggen sentana anut pawos 63 (2) miwah (3) ;
 - c. Prade taler tan wenten cumpu ring penepas kerta desa, kengin ketunasang ring sang rumawos (Pengadilan Negeri) .

SARGA VI

WICARA LAN PAMIDANDA

Palet 1

Indik Wicara

Pawos 69

- (1) Sane wenang mawosin mekadi mutusang wicara ring desa inggih punika prajuru Desa sinanggeh kerta desa.
- (2) Prade sang mawicara tan wenten cumpu ring pamutus kerta desa, kengin nunasang wicara inucap ring sang rumawos (Pengadilan).

Pawos 70

- (1) sahanan wicara mawiwit kecorahan sakaluire sinanggeh nungkasin daging awig - awig, pasuara miwah perarem Desa, Prajuru patut digelis mawosin tan nyantos pesadok.
- (2) Sejaba wicara kadi ring ajeng patut nyantosin pesadok sang nunas bawos.
- (3) Panepase patut pastika nyantenang iwang patut melarapan Tri Pramana (Saksi, ilikita, bukti) miwah tan maren nepek ring Catur dreeta.

Palet 2

Palet 2

Indik Pamidanda

Pawos 71

- (1) Desa wenang niwakang pamidanda ring warga desa sane sisip.
- (2) Peniwak inucap kelaksanayang olih Bendesa Adat.
- (3) Bacakan pamidanda luire :
 - a. Ayahan panukun kesisipan ;
 - b. Danda artha (dosa, danda saha panikel - panikelnya miwah panikel - panikel urunan) ;
 - c. Rerampagan ;
 - d. Kedaut karang utawi tegal ayahannya ;
 - e. Kesepekang ;
 - f. Penyanggaskara.
- (4) Pamidanda sane katiwakang patut masorsinggi manut ring kesisipane.
- (5) Jinah utawi raja berana pamidanda ngaranjing dados druwen Desa.

Palet 3

Indik Rerampagan

Pawos 72

- (1) Krama sane langkungan ring tigang paruman ngelantur tan nawur urunan miwah dedendan wenang kerampag.
- (2) Rerampagan ngangge tata cara kadi ring sor :
 - a. Kelaksanayang antuk Prajuru kasarengin antuk krama tigang diri pinaka saksi ;
 - b. Sang ngerampag saha darsana ngambil artha utawi nyawenin tanem tuwuh. akehnya manut ring hutang sang kerampag ;
 - c. Prajuru Desa miteketang mangda Artha sane kerampag digelis katebus, masenger awuku ring kutus rahina pacang kedadol ;
 - d. Tan

d. Tan nganinin saluwiring artha sane patut inggilang manut Agama miwah tan mademang pangupajiwa sang kerampag.

Pawos 73

- (2) Prade sang pacang kerampag ngewara (ngalengin) pelaksanaan inucap mewastu sampun tan nganutin awig - awig desa wenang karang desa sane kagenahin kedaut antuk desanne.
- (2) Semaliha yen wenten purun taler ngalengin pelaksanaan kadi ring ajeng tan wenten pemargi sejawaning kesepekang antuk Krama Desane.
- (3) Pamidanda inucap ring ajeng buntas risampun sang kekaninin :
 - a. Nunas geng pengampura ring Krama Desa riantukan nguak pasubaya (pararem) pecak ;
 - b. Nawur pengargan penguak pasubayane duk pacang kerampag kadulurin prayascita panyapsap keiwangane ring desa.

SARGA VII

NGUWAH - NGUWUHIN AWIG - AWIG

Pawos 74

- (1) Nguwah - nguwuhin Awig - awig Desa Adat puniki kelaksanayang antuk Paruman Desa.
- (2) Awig - awig puniki kemargiang ngawit keingkupin (keraremin) .

Pawos 75

- (1) Sakaluiring sane wenten saderengnya patut keanutang ring sedaging Awig - awig puniki.
- (2) Sakaluiring sane durung kebawos sajeroning Awig - awig puniki patut kelaksanayang manut tatacara sane sampun memargi kadulurvin antuk perarem - perarem.

SARGA VIII

SARGA VIII

P A M U P U T

Pawos 76


(1) Awig - Awig puniki kararemin duk rahina Sanicara Keliwon Wuku Wariga Sasih Kaulu Içaka Warea 1915 Tanggal Masehi 12 Maret 1994 ngambil genah ring Natar Balai Desa Adat Daup.

(2) Awig - awig puniki kalingga tanganin antuk Prajuru Desa Adat kasarengin antuk Kepala Dusun Daup, Kepala Desa Daup lan Camat Kintamani pinaka saksi.


(3) Luwir Sang Ngelingga Tanganin :

I. Prajuru Desa :


1. Bendesa Adat Daup,


I Dewa Putu Teja.


2. Pangliman,


I Wayan Muda.

3. Penyarikan,


I Payu.

4. Patengen,


I Wayan Darma.

II. Pinaka Saksi :


Kepala Dusun Daup,
Kec. Kintamani
Des. Sang Putu Luwih.


Kepala Desa Daup,
DAUP
Kecamatan Kintamani
I Payu.

3. Camat Kintamani,



Drs. Gede Nurjaya.

Bangli : 4 April 1994.

Reg. No. : 15 Tahun 1994.



BUKUPATI MANGGALANING PAMIKUKUH
BUKUPATI KEPALA DAERAH TINGKAT II BANGLI,
DRS. GDE BAGUS GDE AGUNG LADIP, SH.